

(3)

FRAGMENTVM HISTORIÆ
CATHOLICÆ NOSTRORVM TEMPORVM
IN QVO FONS RAPIDVS
SIVE FONTERABIA OBSESSA
CALLIQUE INDE SVB MOTI
ANNO MDCXXXVIII.
AD D. PHILIPPVM GVZMANVM
EXCELLENTISSIMI DIDACI F.



EXCELLENTISSIMI DIDACII
AD D. PHILIPPUM GALVANUM
ANNO MDCXXXVIII.
GALLICAE INDE SUBMOTI
SIVE FONTERRABIA OBSESSA
IN QVO FONS RAPIDVS
CATHOLICAE NOSTROVM TEMPORVM
FRAGMENTVM HISTORIAE



Nauarra & Guipuscoa & Catalonia sunt as-
 perae terrae: passim assurgunt in montes,
 suae in vallium abrupta descendunt. Id
 Regnò quasi munimentum. Nec minus
 munitur inope agro aduersus tam opima
 arua possidentes Gallos. Neque enim magnopere
 concupiscendum sibi quicquam facile ibi inuenerint,
 nisi si Regnum id cupiant, & terram habere ipsam
 velint. Hae causae fecerunt, yti sperderetur fama ad-
 uentus irruptionisque Gallorum, cum per sex fere
 menses increbresceret ultro dissipatus hic ab hoste ru-
 mor, cumque congruentia comminationi ac denun-
 tiationi huic afferrent etiam quotidianae litterae isto-
 rum, qui fabulas & acta Urbium, hoc est mista veris
 multa falsa perscribunt ad id mercede conducti. In
 terra Guipuzcoa praesertim, quae regio finitima
 Nauarrae est, mira securitate vivebatur, illic scili-
 cet, vbi homines prouerbum fere vsurpant, & ia-
 stare ita solent: nulla se requirere praesidia aduersus
 Gallos: stare praesidij loco naturam situsq. ipsos con-
 tra finitimum hunc imminensem penè ceruicibus ho-
 stem. Ita remissa, soluta, neglectaq. omnia iacebant.
 Sine milite naues, quae recens aedificatae habe-
 bantur, bombardaeq. & instrumenta belli, in pro-
 ximis itineri fabuletis velut obiecta praeda hosti.
 Numerus armatorum, qui duceretur ad prouinciam
 inuadendam, variè augebatur etiam in terrorem: Et
 erant, qui nuntiarent, stare quinquaginta millia in-

procinctu, porròque subinde centuriari & cogi ad si-
 gna alios, vt. nubes & procellae planè copiarum expe-
 ctari deberent. Condaeuum esse Principem electum
 ab Rege Gallo Imperatorem belli huius: hunc tantò
 intentius, animoque maiore gesturum rem, quò maius
 ei studium, maiorq. necessitas obliterandi recenti hoc
 merito vetera etiam, tum infauista, tum infida illa, quae
 nunquam in Regum animis, vbi semel haesere, oblitte-
 rantur. Afferebantur quotidie haec, atque constanti
 iam etiam rumore iactabantur irridebanturq. simul: &
 quò terribiliora erant, eò minor fides. Nec numeros
 modò famamq. exercituum, sed totam ex vano rem
 esse autumabant ob eas quas dixi causas, sterile nem-
 pe cupiditatibus humanis, & militari praesertim aua-
 ritiae solum, & difficiles aditus, quibus haec aduersus
 Galliam Hispana terra munitur. Mox Condaeus ipse
 cum exercitu aderat, adedò resolutis incolarum animis
 in securitatem atq. contemptum, vt ne cura quidem
 vlla fuèrit muniendi ac firmandi praesidio arces, cum
 ille iam in limine staret inferretque pedem. Credide-
 rant primò incolae Regijque praefecti omnes, posse
 aditu arceri ac prohiberi hostem, quod frustra leuenit.
 Atque incesserat sanè timor animos, passimque trepi-
 dabatur. Sed & accendebat ira Gentem, quae iam
 inde antiquitus fortis & strenua inter paucas habitae
 est, quaeue, multa virtutis, multa praeclari animi edi-
 derat facinora, quotiescunque pro aris & focis, ac pro
 patria illa dimicandum fuit. Ipso Cal. Sextil. die Pro-
 uinciam

uinciam ingressi Galli traiecto flumine absque difficultate impeditentouē vllō corripuere protinus & inuasere parua quaedam obscuri nominis castella, & desertas fere arces, & quicquid ibi obuium opportunūq. prostabat. Hac satis felici irruptione facta, quae excursui, vel itineri, quā vlli militari operi similior fuit, pergunt inde ad Fontem rapidum ire obsidendum. Id ita meditatum destinatumque habebant: & iere, cum ipso rerum cursu, tum natura & opportunitate Arcis freti, propterea quod, neque fossam in ambitu habebat, neque caetera ex arte: procideratque pars vna muri, quae mediocriter quidem instaurata & refecta erat, sed hiatus adhuc & ruinae cernebantur. Assurgit praeterea tumulus, statque contra arcem, vnde quati ac verberari ea facillime potest. His freti, obsidium pariter oppugnationemq. incipere statuerunt: atque ad III. Nonas Sextileis, profecti illuc, postero die tormenta in colle disponebant. Didacus Isasius Regionum praefectorum vnus in ea terra erat. Is nocte eadem, quae diem ipsum coeptae obsidionis antecessit, subsidij nonnihil intromiserat, & cogitabat subsidia intronittere maiora deinceps, quod difficile erat. Iam enim & circumfede batur vndique Fonterabia & oppugnabatur. Tunc enimvero erectae curae sollicitudinesq. omnium, & auxilia vndique, quantā maxima fieri posset celeritate accersebantur, Cantabri, Galloeci, Alabanses: caeteraque ad resistendum omnia summa opē apparabantur, stimulante animos etiam

verecundia negligentiae prioris, quā penē recepti vi-
tro Galli ita in Prouinciam admissique essent. Perla-
to in Regiam nuntio Gallicae irruptionis, statim ha-
copiae in itinere erant. Simul ibant etiam ex Regia
ipsa, atque ex regijs Aulæ ministerijs viri militares
ad octingentos, emeritæ militiæ laboribus, prae-
mijque clari, & imperitando, siue imperatoribus alijs
parendo facti iam penē senes, & apti tamen adhuc ad
bella exercitusque regendos. Castellæ Almirarchus
& Marchio Velez ad summam rem in tali discrimi-
ne regendam ire, atque adesse iussi proficiscebantur
ad nouem hoc bellum, & aduersus minitantes Hispani-
niæ toti Gallos. Res maritimā simul adornabatur: &
quingenta rostratas sperabant nostri se sc habitu-
ros, atque deducturos antequam hyems aduentaret.
Nam & classem ingentem hostes expectabant, vt simul
terras simul mari gererent rem. Interimq. consilium
Hispanis erat diminuere nihil ex ea copia, quæ in
Brasiliam, in Flandriam, in Italiam, alioue mittenda
esset. Adnotabatur, in principio motus huius, terre-
stres maritimasq. copias etiam solito largius quoque
versum ex Hispania destinatas fuisse: & Gallorum ani-
mos, ea res, vel pupugisse potuit, tamquam manifesto
contemptu irruptionis armorumq. suorum, vel confir-
masse, tamquam negligentia hæc sibi adderet vires.
Habuerunt Hispani in id bellum principio duodecim
haud amplius naves, tredecim millia peditum, equites
quingentos in Galli, peditum viginti duo millia, mille
equites,

equites, naues aliquot, primo statim ingressu adduxerant, exspectabantque maiores ab domo copias, & classem ex composito validiorem. Disposita autem consilia habuere in hunc modum. Volebant, capta, sicuti spes fuerat, intra octiduum Fonterabia, protinus ad S. Sebastiani arcem ire oppugnandam. Ea quoque, intra spatium idem, sicuti augurabantur, redacta in potestatem, extenderant spes animosque ad Pompeiopolim, quae statim ubi sui iuris foret, nihil deinde morae futurum, quominus victricia ad Nauarram signa promouerent. Habentibus deinde tenentibusque Nauarram, promptum item expeditumque illud, uti Castellae toti dominarentur. Haec destinata Gallorum, spesque conceptae, non modo solita exercituum iactantia & rumore vulgabantur, sed etiam ab ipsis Christianissimae Aulae arcanis manabant, prout scilicet inter consilia & meditata Regum nihil occulti mutua inter ipsos necessitas & cura relinquit. In circulis autem & sermonibus volentium hominum etiam futura addiuinare, procul dubio spernebatur hic imaginariae victoriae tenor, haud aliter quam laetissimi somnij yana species. Intrasse forte fortuna Gallos eam terram: patentes reperisse portas: intrasse custodibus veluti sopitis ac prohibente nullo. Mox, consurrecturos undique omnes ad prohibendam excludendamque Gentem semper inimicam, nunc etiam dominari volentem. Ipsos quin etiam, fastidio succedente, ultro relicturos incepta, abiturosque retro do-

mum, vbi fenserint inutile cum saxis rupibusque bel-
 lum, seque ad nihil aliud quàm ad expugnanda tesqua
 venisse. Sed & admirabilia per eos dies verè multa
 euenerant, victoriaeque Catholico Regi partae multi-
 plices, tanto atque tam praesenti Numinis fauore, v-
 Imperio huic adesse Numen, fateri cogerentur etiam
 prauis infanq. quibus infra coelum & sydera infelici-
 ter atque impiè animus haeret. Afflicta & penè fra-
 cta notabili praelio res Hollandica per Cardinalem
 Infantem. Detracti ab S. Homeri obsidione Galli per
 Principem Thomam. In Italia Marchio de Leganes
 Mediolani Gubernator eiecerat à Brema hostes eos-
 dem: strauerat humi Gallici exercitus Imperatorem
 Crycquium, & emendato Parmense, reconciliatis alijs
 punitisque rebellibus, etiam capta Vercellarum Vrbe
 sanxerat ingens illustre exemplum, ne qui Principum
 Italicorum desciscere postea auderent, & ferre arma
 in Catholicum Regem. Nassaus apud Brasiliam spe-
 deuorata occupandi Regni eius, atque coronandi ita
 rebelles Hollandos, amissis impedimentis exercituque
 penè toto, aufugerat nocturnus, ac petierat ita aegre
 salutem. Et volentes in Belgium irrumperè Gallos
 Dux Lotharingiae Catholicis armis castigauerat item
 magna clade, reliquiasq. agminis infauti, super damna
 elademq. praesentem confuderat etiam desperatione in-
 posterum. Haec igitur vno fere tempore nuntiata om-
 nia, veluti Catholici Nominis hostes vndiq. profligante
 Numine, ceu praesagium de Gallicae huius nouae
 expedi-

expeditionis fortuna exituque haud obscurum dabant caeteris omnibus. Ipsi tantummodo, & prospera omnia augurabantur, & verò etiam prosperrime cadebat res huic exercitui Imperatorique eius. Iam primum omnium, obseperant intercluserantque Catholicis auxilijs à mari aditum, ne qua venire ac duci inde ad Fonterabiam possent. Cùmque principio pauca admodum in id nauigia armata ac deducta habuissent, ita, vt minore nauium nostrarum numero perfringi superariq. claustra illa expeditum foret, in ipso penè tentandae rei articulo ac momento, superuenere duae validissimae Gallicae classes; vna, quae rediens ab oriente commodum aderat appuleratq. illuc: altera, quam Burdegalensis Archiepiscopus coegerat in Britantia auxeratq. Hollandorum etiam nauibus opportunè adiectis, vt specie ipsa & numero, terrorem secum minasq. portarent. Ita Tirolensis & Tirconelus, & ex Galloecia naues, & auxilia, quae isti adduxerant, spesq. ab ea parte conceptae cecidere omnia ad irritum, & absque exitu fuere: resque Gallica ad eam diem, non superior modò videri poterat, sed victoriam ipsam penè manibus tenebant. Nuntij de tali statu rerum, cùm in Regiam subinde afferrentur, cùmque strepitus armorum illuc quodammodo resonaret, turbata maguopere commotaq. Aula erat, indignatione quidem & verecundia, quòd penetrare sic auderet in ipsa penè viscera Gallus; sed & metu apud quosdam de summa rerum ab ea parte, si Fonterabiam illam

supra

A 5

tanti

tanti momenti arcem hostes illi obtinerent. Regem
 ipsum, ob eam rem in sollicitudine ac moerore fuisse
 ferunt. Itaque, praeter nouem millia peditum, equi-
 tes trecentos, quae copiae proficiscentibus Almirar-
 cho & Marchioni Velez attributae fuerant, iussu
 Rex exercitum ad Burgos apparari maiorem, atque
 suffecturum, si quid tristius Almirarcho copiisque eius
 fortè accidisset. Ad XII. Cal. Septembris in castra
 venerat Almirarchus cum Marchione Collega suo.
 Eo die Galli Renteriam & Letium quae iam habe-
 bant occupata loca reliquerunt. Postero die, quod
 mirum videri posset, etiam aditum à mari ipsum &
 claustra deseruere. Vis tota belli ad Pontefabiam
 auersa est. Illuc, & curarum, & virium vniuersa mo-
 les incubuerat: neque ab Gallis in vlla obsidendarum
 vrbium arte ingenio cessabatur. Cuniculo multifa-
 riam acto patefecerant varijs locis ruina iter, discece-
 rantq. muri aliquantum, & simul in sublime proiece-
 rant fabricas operum quibus vita indiget. Incendia-
 rias quoque naues adornauere, quae nostris immissae
 nauibus, vento adiuvante (& erat faeuissimus turbo
 per aliquot dies) inuoluerunt omnia flammisq. & nau-
 tica ministeria nauesque ipsas foeda strage dissipau-
 runt. Id nostri ad Gallicae classis dedecus intuidiam-
 que trahebant. Egregiam laudem, fortes Nauarchos,
 strenuum Imperatorem, quibus centum fere rostratae
 inualidae fuerint aduersus duodecim lignorum fere
 classiculam, nisi praesidium ab fraude & furto, violentiaque

tiaque elementi peteretur. Sed quis inter bella, momenta requirit haec aut seruat? Ad Fonterabiam interim res erat iam in vltimum adducta discrimen: & nondum quidem ventum erat ad desperata illa egestatis & patientiae humanae exempla, coria sutrinae, pellesque mollitas, & foeda animalia versa in cibum: sed haud multum ab ea miseria & necessitate obsessi aberant. In extremo iam languore & fatigatione virorum, feminae etiam pugnabant, quarum vna comperta notataque est eripiens viro lanceam, vt deficienti subueniret. Emissa furtim epistola significauerant Almirarcho, non posse rem vltra sustineri, ac nisi subsidij quamprimum aliquid intromitteretur, augereturque praesidium idoneo armatorum numero, se se propediem impares fore necessitatibus humanis & conatibus hostium, qui, non die, non nocte interualla vlla quietis relinquebant. Vt paucos ad resistendum, ita nimis multos ad consumenda alimenta esse iam ibi intus. Statuerunt, his ita cognitis, Almirarchus & Marchio non vltra differre quominus experirentur, si, vel submouere obsidione hostem, vel ferre subsidium obsessis possent. Super ea re sententiae variae dicebantur ab ducibus praefectisque alijs: & erant, qui plus damni docerent in conatu irrita pugnaque aduersa, si res ita caderet, quàm vtilitatis in arce firmata ad breue tempus subsidioque intromisso. Esse, & numero superiores hostes, & conditione locorum, quae infessa tenerent. Si quid sinistri in pugna conatuque illo euenisset,

set, quàm deinde in re subita reliquam spem aut sibi
mansuram aut obsessis? Ipsos, paucitate imminuta,
illa mansuros infirmiores: crescere Gallis audaciam,
crescere desperationem obsessorum, si conspexissent
ibi cladem, vade opem auxiliumq. sperauissent: nec
deinde dubium, quin dederent seque & arcem. Sati-
us, expectari paulisper solita caedia Gentis adspernatu-
rae mox faxes rupesque illas, & abscessurae facilitate
eadem, qua venissent, illucque subissent. Minimis mo-
mentis verti res saepe maximas: id expectare benefi-
cium, prudentiae esse maioris, quàm dare illico cun-
cta in discrimen. Aliaq. porro his similia, specie pru-
dentum ignaui diffidentesq. suadebant. Quae adsp-
ernati omnia Admirarchus & Marchio pridie Cal. Sep-
tembris cum exercitu subiere ad montes, atq. subductis
illuc etiam in cacumina bombardis volebant obsesso-
rum illorum causa Hispano, Gallicoq. cruore nobilitare
saltus antea obscuros. Obstitit procella atrox tãto repen-
te deiecta impetu per totũ eum diem, vt omnia obtinen-
tibus aquis, homines & iumenta penè praefocarentur,
intercludente spiritum etiam vento, qui mixtus imbre
transuersa corpora huc illucq. rapiebat: ac diffugiente
passim milite, duces ipsi suffugia nequicquam & teg-
mina aliqua in monte illo aspero pariter & nudo
quaesitum ibant, inter coeli quasi ruentis minas pu-
gnae iam immemores, & humana imbecillitate sibi
quisque sollicitus & clemens. Galli ab tentorijs sta-
tionibusque suis, quae ipsae violentia illa conuelle-
bantur,

bantur, conspecto initio pariter & fine motus illius consilijsq. nostrorum, non modò laetati erant commoditate sua incommodoq. nostro, & intercepta siue impedita sine armis ope, quae ferebatur obsessae arcis: sed etiam erexerant velut laeto in posterum augurio animos, ac dimicasse pro se coelum, inter se gratulantes ferebant. Tentauerat Condaeus, si fortè posset Praefectū elicere ad tradendā arcem, praesidiumq. deducendum, misso ad eum praecone cum litteris, quae scriptae in hanc sententiam fuere. Posse ipsum videre, quemadmodum sit res iam in vltimum adducta discrimen, neque iam spes vlla superfit retinendae arcis. Satis approbasse Regi suo fidem: nunc etiam saluti consuleret, donareteue siue venderet id quod amissum atque desperatum foret. Si intempestiua & inutili constantia sperneret oblatam salutem, mox absque discrimine inclusos caesum iri ad vnum omnes, ipsiusque caput ab reliquo corpore diuisum ostentui fore. Ne porro admiraretur tantam in hoste benignitatem, qui mallet seruare quos occidere posset. Nam se quoque esse Catholicum, & Catholico plane sensu moueri erga suae religionis homines, & consortes spei secum eiusdem. Caeteris, qui in exercitu suo essent, & qui ad irrumpendum iam accingerentur, vt non eandem religionem, ita, ne clementiam quidem futuram esse in captos. Scripserat talia Condaeus ad praesidij praefectum hunc eo die, quo subsidium obsessis ferre conati nostri, ob subitos imbres, vti memoratum est,

frustra id inceptum habuere. Praefectus responsum ad ea dedit Principi inter aulicam urbanitatem & militare robur egregio temperamento. Facere ipsum, quod Regio sanguini, quod caritati Catholicae conueniret, ut seruare quam trucidare mallet. Caeterum, neque sibi, neque suis tali nunc beneficio opus esse. Habere intus omnia, quae ad resistendum pertinerent: & eo animo esse vulueros, seque in primis, ut non nisi mortui venturi essent in eius potestatem: hanc unam sequi ipsos & optare salutem, ut occidendo Gallos ipsi quoque si foret ita necesse occiderentur. Cum res in hoc statu esset, ac mitescere iam coelo, reditaque ferentate; vellet Admirarchus experiri iterum, atque in id apparatus & disposita omnia haberet, fortè congruit, ut litterae Regis in castra perferrentur huiusmodi scriptum habentes. Si Fonterabia amitteretur, noxam eius rei fore penes duces: nullum excusationi locum: data & missa, quae mitti, quaeue dari debuerint. Haec scripta fuere Regis manu sicuti ferunt: poteratque intelligi id etiam, quod regij silentij altitudine tegebatur. Inuisum fore Maiestati quisquis in eo negotio deliquisset, ipsum prolemque eius. Has regiae litterae minas in castra attulerunt. Inerat etiam comminationi mandatum, in speciem terribile atque atrox, re ipsa consentaneum, & magnanimitati Regis, & indignitati rerum. Si belli fortuna contra daret, ac praeualerent hostes, arcemque tenerent: tunc enimvero irrumperent victi in victores: per
aequa,

aequa, per iniqua ruerent in tela & caedem: Scanderent muros, & in ipso recuperandae arcis conatu, exercitus ille totus, si foret ita necesse, ad internecionem usque pugnaret. Credidere homines hoc tempore gnari consiliorum animiq. Regis, in eo rerum discrimine, nulla magis re conturbatam, atque stomachatam fuisse Maiestatem, quam quia comperisset: in consilium iri super eo capite, an conflegendum cum hoste esset: an repraesentanda pugna, & faciendum virorum armorumq. discrimen: quasi verò controuersum id ancepsque caput, & non simplex ac sua sponte definitum id, decisumq. foret. Irrupisse temerè Gallos: esse, & numero, & virtute multum infra famam: ne stationes quidem, & situs, & munimenta locorum inexpugnabilia habere: & superfederi adhuc tanquam metu, siue indulgentia in hostem hunc? Exacerbauerant ista Regem accenderantque. Sed & misericordia inclusorum ferentium ibi omnia, quae patientiam vincerent, tantoq. magis indignorum ea calamitate, mouerat Regi animum. Et super omnia, motus ille erat pio quodam suo & grato instinctu erga tot beneficia Numinis vno tempore collata in Imperium domumq. suam. Impium enim ingratumque rebatur, si non & pares exitus in pari nunc causa expectaret. Accepto regiae comminationis regijq. mandati chirographo, Almirarchus & Marchio Velez, quibus par potestas, arbitriumque rerum in exercitu erat, inter se colloquuntur, conferuntq. capita. Aduocant deinde consilium.

cilium. Neque verbis opus fuit. Dicta tantummodo
 haec. Non de pugna, sed de pugnae die, horaque &
 momento esse consultandum. In id promerent quae
 sapientia & militari quisque astu prouisa haberet.
 Aderat dies Deiparae Virgini natalis, quem diem hu-
 mano Generi salutiferum gentes eae festa hilaritate
 praecipuaque religione semper expectant coluntque:
 sacrata etiam ad Guadalupen Aede, & imagine Di-
 uae iam inde antiquitus inclyta miraculis: pugnaque
 ad Norlinghen illa ab Cardinale Infante pugната
 notabili euentu, famam habuit hanc, quasi ab Guada-
 lupensi hoc coelesti in res Hispanas fauore prouenif-
 set. Eum diem elegerant submouendis à Fonterabia
 Gallis, operique patrando, quo nullum fortasse vn-
 quam maiore admiratione auditum spectatumue fuit,
 ex quo spectacula cruenta haec exhibere coeperunt
 discordiae mortalium, & cupiditates, & cupiditatum
 pessima libido imperitandi, inuadendiq. aliena pessi-
 mus mos. Gerendae rei omen, & regia mandata,
 protinus exsequendi laetissimum augnrium acceperere,
 quod ex foedo imbribus ac ventis coelo, quae per ali-
 quot dies iniuria dissipauerat nostros praecipue mili-
 tes, sustuleratque castrorum ordinem, effulserat purissi-
 ma repente lux: ceciderant venti; recreatae, & in-
 vnum ad signa ex varijs effugijs collectae legiones: at-
 que sedato illi hominum syderumque tumultu tran-
 quillata ad rem peragendam omnia diuinitus erant.
 Itaque, primum omnium expiato Sacrificijs & myste-
 rijs

rijs exercitu, diuinam cum lacrymis & gaudio suppliciter opem exposcunt, duces militesque simul, faciuntque singuli vota in id, ut effundendi sui alacriter sanguinis, & mortis oppetendae praemium victoria contingat haec Regi Catholico aduersus Religionis & Imperij turbatores, aduersus Gentem inquietam ipsam, & alios inquietare volentem. Precantur ab Virgine Deipara in primis, ut propitia coeptis adesse velit ad eijciendos ex deuota sibi terra homines, qui ad tollendum inde cultum Nomenque ipsius irruperint, vel certè quibus haud perinde fortasse impijs, monstra certè Caluiniana haec immixta adsint, & ferant vnà cum illis arma. Partiuntur deinde munera & vices, describuntque incessus & itinera bello in hunc modum. Torrecusa duceret secum pedites bis mille trecentos, primique agminis ductor iste succederet propius ad stationes & castra Gallorum ab ea parte, quā maxime promptum opportunumque censuisset. Copiae caeterae deinceps eum secuturae erant. Marchioni Mortariae, qui cum legione Comitum Ducis, alioque Hispano & Irlando peditatu, iuga ad Iachiuellum (id loco nomen) tenebat, negotium datum, ut per decliua montium descenderet iretque ad munimenta & castella, quae sibi hostes ab ea parte, & latere fecissent. Duo millia & sexcenti pedites attributa huic fuere. Gironus cum legione sua, itemque cum legione Sebastiani Graneri iussus occupare, atque insidere loca situsque opportunos ad Irum, vnde scilicet hosti conspicere-

spiceretur, terrorique esset ac frænaret conspectus
 ita Gallos, tum, ne per eos anfractus ire plures ad
 circumuallandam arcem, eo scilicet desuper incurfa-
 turo auderent: tum ne cogitarent, aut stationes inte-
 rim inuadere relictas à nostris, aut obstare, quominus
 alias caperent occuparentque nostri. Dubitatum pri-
 mo paulisper fuerat: noctu an interdiu aggrederen-
 tur rem: atque in hanc illamue sententiam dicta pru-
 denter à militaribus viris nonnulla erant. Honestissi-
 mo aduersus hostes furto & commoditate tenebrarum
 posse patrari destinata tegique, vt coepta simul &
 peracta sentirentur. Ibi plurimum esse praesidij, ne
 sentiret hostis motum impetumue nostrorum, ante-
 quam impetu deprehensus atq. circumuentus eodem
 foret. Haec dicta pro tenebris, & pro securitate,
 quam asferre posset nox. Rursus alij, confusionem, &
 incerta omnia, incusque etiam ancipites, & tumultus
 varios, qui obscuro noctis existere possent, ad sequen-
 dam eligendamque in clarissimo hoc opere lucem,
 proponebant. Accepta sententia est haec amica di-
 urnae lucis, ac statuerunt inuadere castra Gallorum,
 conspecti pariter, & ipsi cuncta conspicientes.

Dixerat & aliquis eiusmodi sententiam. Non vno
 totum exercitum agmine debere dari in id discrimen,
 neque sub vnum fortunae ictum cuncta debere com-
 mitti. Tutius generosiusque visum ire omnes. His
 ita dispositis, Torrecusa, capto per montes ambitu
 quaerendo molliores atq. clementiores per confrago-

sa & arreeta illa ascensus euaserat in cacumina, vt libero quacunq; visum foret excursu daret impetum, prout, hic aut illic spes melior & momenta occasionum laefferent, siue inuitarent. Almirarchus & Marchio Velez capita rerum, cum robore exercitus (erant armatorum millia quinque & quingenti) per cliuos rupesue easdem cepere dexterum iter, vt venientem ab lacua Torrecusam iungerent sibi, vicissimque cum eo iungerentur, atque stationibus hostium tota mole superflui miserent ingenti animo suis ipsi corporibus pugnam, neque ad rem gerendam tantummodo consilijs imperijsue adessent. Hi, praeter eas quas dixi copias, praefectosque earum, ducebant secum inclytos militari prudentia viros, veteresq; bellatores, ad subita & ancipitia praesto scilicet futuros: Quas cum nempe, & Isassium, & Granerum atque Tuttabillam, & alios, prout quisque in tanto summae rei discrimine momenti aliquid facere posse videretur. Antonium Gandulphum cum legione Francisci Messiae praemiserant ad occulta & imperuia saltuum recognoscenda, simul ad infidias quoq; retegendas, si qua per nemora eiusmodi fraus lateret. Condaeus elegerat sibi stationem in rupe scopuloue vno, qua Guadalupeusis Anachoretae tugurium fuit. Ibi, simul natura & munimento loci, simul copiarum numero fretus (habebat namque sub signis decem & octo millia perditum, equites inter derupta illa sane paucos) in tantam iam ipse quoque securitatem euectus erat, vt

exercitu conspecto nostro, crediderit, ad nihil aliud
venisse & adesse Catholicos, quam ut fiduciam obses-
sis in re desperata, nonnullam, & spem subsidij pro-
pinquantis ostentarent. Habebat in exercitu, praeter
Archiepiscopum illum Burdegalensem Episcoposque
treis alios, rem maritimam una cum eo Metropolitano
Pontifice regentes, etiam magna nomina propin-
quorum amicorumue Regis, Valetam, & Agramon-
tium, & Fortiam, & Pedraem, adiunctos ab Rege
Principi scilicet, tamquam in spem Hispaniae debel-
landae, siue emeratos eblanditosue ipsos uti adiun-
gerentur, atque mitterentur in aliquam huius nouae
fortunae partem. Hi, posteaquam, adesse certamen,
& deceptum vana opinione Principem senserunt, stru-
xere aciem protinus aduersam, & praelio commisso,
vehementer incubuere nostris, planeq. & multitudine
superiores, & pudore etiam ac desperatione accensi,
ne pro nouo Imperio cladem, internecionem, ignomi-
niamq. referrent domum, in singula momenta vi ma-
iore praelium ciebant: & stabat iam victoria penes
iplos. Mox, Almirarchus & Marchio cum quinque milli-
bus ut dixi quingentis adfuere, fortunamque praelij
mutarunt: & omnia statim aduersa Gallis. Nam,
praeterquamquod, ingruerat hoc subito robur, & fati-
gata statim suo more ferocitate hostium horum, inte-
gras nostri vires attulerant, etiam incesserant stete-
rantque ab ea parte, ut prouisa illis receptacula in
rebus trepidis, effugiaque intercluderentur. Inde

caedes & confusio maior, terrorq. vltimus, vbi nouam
 aciem, nouosq. duces è superioribus adhuc locis adesse
 & gradum inferre animaduertebant. Quippe, Rhau-
 densis & Marchio Mortariae cum agmine suo aderant
 mouebantque signa in partem eandem. Neque terro-
 ris vltimum id fuit. Sed penitus auersi à certamine
 sunt animi Gallorum, ideo quia acies etiam alia cer-
 nebatur Aulæ principum, qui cum lancea voluntarij
 venerant ad bellum, in cuius euentu, aut dedecus, aut
 gloria sempiterna ageretur, prout, prospera, siue se-
 cus Gallis fortuna euenisset: hoc est, siue fixissent isti
 in Hispania pedem: siue pulsi atque eiekti, documen-
 ta in patriam aeterna retulissent, ne furores vnquam
 in posterum eiusmodi admitterentur. Principi Con-
 daeo, postquam nulla seruandi exercitus via ostende-
 batur, pretium fuit petere sibi quacunque posset via
 salutem. Digressus ab statione sua elanculum descen-
 dit propere ad litus, stetitque paulisper ibi fugam tre-
 pidè circumspectans vnà cum Archiepiscopo Burde-
 galense, qui pauoris aduersarumque rerum ei socius
 erat. Aufugerunt vterque nauicula eadem Locoam
 versus, nec ante quiesuisse dicuntur, aut respirasse,
 quàm delati fuerint in eum portum. Principum ea
 fuga, sicuti par erat, exercitum quoque coniecit illi-
 co in pedes. Per saxa, per cautes ad instar ruinae
 praecipitabantur execrantes seque Regemque suum,
 & terram hanc ad quam capiendam possidendamque
 venissent, & suam pariter illam ex qua educti forent

ad misérias luctusq. tantos. Qui stare contra, & principibus indecore dilapsis, manere ipsi tamen, & pugnam instaurare voluerunt, hos aut infensius trucidare nostri, aut ipsos quoque demum fugere tentantes vndae, hauserunt. Capti, quoscunque habitus faciesue liberalior in eo strepitu ac tumultu commendauerat, ut capi, quam trucidari potius deberent. Et fuere qui petierint ab Hispanis ultro hoc uti caperentur, haberenturque in vinculis. Reliquiae exercitus huius ex varia trepidatione collectae, ad Mendelum & Irum in statiuâ suâ confugerunt. Inde sine dūce, sine signis, consensu militari, nocte eadem, per Beobiac fauces, quâ venerant, intrauerantque Hispaniam, in Galliam rediere. Bombardas in statiuis reliquere tres & viginti cum vexillis ad quinquaginta, & impedimentorum omne genus. Satisque constat, plerosque militum nostrorum praeda fuisse ditatos, reperto scilicet argento & pretiosa supellectili, quae Condabî Principis fuisset. Aera militaria, zonaeque plenae nummorum passim in sarcinis repertae sunt, prout in fuga vel caede semper ista negliguntur amittendi metu id quod carius pretiosiusque est. Quae stores profecto dispensatoresue ipsi, aurum, quod exercitui diuidendum acceperant paratumque habebant, in tentorijs reliquere. Tanta trepidatio siue consternatio omnium fuit. Potuere deleri ad vnum, nisi per coenosas quasdam trajecto amni voragines aufugerent, etiam tegente equitatu latera & tergum: neque insequendi copia

nostris fuit: an verò satis habuere, profligauisse Gal-
 los, recepisse Fonterabiam, & tanti nominis tantique
 momenti arcem obsidione liberaſſe, ſicuti liberata pla-
 nè receptaq. eſt. Admirarchius & Marchio, per quos
 res geſta erat, nocte eadem Nonis Septembris ingreſ-
 ſi locum, ſtetero flexis genibus in Templo dum ſolen-
 ne victorale carmen non ſine muſica etiam ſympho-
 nia cāneretur. Laudauere, deinde verbis ampliffimis
 Regis nomine incolas praefidiumque illud, & gratias
 egere, quod ſtrenue ita fideliterque perſeueraffent: af-
 firmauere, cordi futurum Maieſtati ipſi vt ea res prae-
 mio & honori ſingulis vniuerſiſque foret. Dicta haec
 in commune omnibus. Dominico Eghio Cantabro
 praecipua gratia & commendatio fuit. Arcis & prae-
 ſidij praefectus iſte manebat quidem poſt magna vir-
 tutis & fidei edita exempla ſuperſtes: caeterum virtu-
 te eadem fideque aequauerat animos omnium, qui in
 praefidij alicuius deſenſione occiſi ac defuncti olim,
 inter annalium adhuc monumenta viuunt, ſemperque
 memorantur. Ob haec, & alia virtutis egregia faci-
 nora laudatus vnicè praefectus: praemiaque ab Re-
 ge deſtinata ipſi poſterisque eius. Captiuorum ho-
 ſtium numerus ad duo millia relatus eſt. Inter eos,
 multi duſtores ordinum, multique voluntarii nobiles
 fuere. Multitudo mortuorum incerta, quia pleroſq. in-
 ter fugiendi & enatandiconatum aquae abſumpſerunt:
 & lethigenus hoc ab deſperatione ſive moerore com-
 plures optauere. Deſiderati è noſtris haud amplius
 ni
 centum:

centum: vulnerati totidem: captus nemo. De capti-
ua praeda hostium illud quoque comperi: quicquid
domi charum atque pretiosum Galli habuissent: in his
castris ferme repertum esse: causaq. spoliorum ita ve-
luti opimorum ex eo, quod venerant certissima spe ad
figendos in nouo Regno pedes, sedemque & domici-
lium ibi pro se quisque collocandum. Ideo, tamquam
non redituri ultra domum, patriamq. nouam habituri
hanc, attulerant secum pro habitu suae quisque fortu-
nae omnia lautissimae suppellectilis instrumenta para-
tusq. principales. Quinquaginta Principes utique ve-
nerant in eam expeditionem, quorum neminem vnum
in Galliam rediisse comperimus: indeque ita perscri-
bunt. De Archiepiscopo Burdegalense, quem vna
cum Principe Condaeo aufugisse retuli, varia fama
est. Aiunt fuisse sanè in castris eo die, quo irrupere
nostri: sed in fuga, quam potissimum ille viam instite-
rit, ambigitur. Non enim descendisse ad litus: po-
tiusque existimari in S. Elmi Castellum se se abdidis-
se, cui postero die subdidere Galli residui flammæ, in-
deq. abierunt occaecata tormenta, relinquentes. Nos
in tradenda Archiepiscopi fuga sequuti sumus exem-
plum epistolae, quam ad Regem Almirarchus ipse
perscripsit. In ea epistola nihil item reperi, neq. de
octo millibus aureorum nummum, qui singuli duplica-
ti binos pendunt, neq. de ipsius Archiepiscopi veste,
quam cum ea pecuniae summa in tentorio repertam
litterae aliae vulgauerunt. Et pleraque alia demumq.

in incerto. Non de captiuis, non de mortuis, non de armorum vexillorumque numero conuenit: & pleraque horum, post aliquot ab victoria dies in syluis atque nemoribus abdita & occultata quotidie reperiebantur. In victoria hac, & in magno isto Catholicorum armorum die, sicuti Galli ipsi credidere ac dixere fuisset summum virtutis opus aufugere potuisse: ita nostris vitio datum est, quod reliquerint fugae locum, atque non deleuerint ad Fonterabiam eo die vniuersos. Id dictum, quam factum, sicuti pleraque facilius fuit, nec tamen obscurum utique illud. Totam ex diuino rem, cunctaque diuinitas illic potius gesta, quam consilijs humanis & ope mortalium. Referam verba Regis ipsius, quibus plane verbis Maiestas illa Comitem Duce[m] affata est ipsomet die, quo parata victoria est. Nam fuere qui audierint, notarintque & nobis quoque significarint. Ad Nonas igitur illas Septembris, hora diei fere secunda, cum Regia tota trepidaret atque haereret expectatione suspensa tantae rei, fermeque omnes ad deteriora credenda inclinarent, & per aliquot iam dies, neque nuntij, neque litterae ullae venirent e castris, accersito in conspectum suum Comite Duce, dixit ei serena ultra solitum etiam fronte Rex. Comes Dux carissime & optime amicorum. Hodie ad Deiparae Virginis honorem purgato rite animo coelesti pane refectus sum, atque, quod ad Fonterabiam attinet, tranquillitas tanta mihi est, quantam verbis explicare non possum. Arcem negotiumque illud in diuinae Ma-

iestatis

iestatis sinu penitus relinquo. Cùmque in hunc diem nunquam precari destiterim ab eadem Maestate & Numine aeternae mentis, vt submouere inde hostem, & Imperio huic munimenta seruare illa ac retinere dignaretur: nunc desisto precari id ipsum: & tantummodo precor, vt animi mei obsequium atq. sacrificium hoc, quo arcem eam, meque, & cuncta haec trado in sumptum illius prouidentiae nutum, clementer ac benigne respexisse atque admisisse velit. Tanti Regis verba haec in colloquio arcano ita sicut retuli pronuntiata, deinde vulgata inter proceres Aulae sicuti assolet, mox in publicum etiam elata, postquam victoria nuntiata est, victoriae praesagium ipsius haud dubie habita sunt. Sed & mandata, quae ad exercitum subinde mittebantur, diuini quiddam habere visa hoc ipso, quod ibi in castris administrabantur res planè ad eandem formam, sicuti administrari praecipiebat Rex: & antequam regiae litterae afferrentur, iam acta erant ea, quae agi ex litteris fierique oporteret.

Nuntiata victoria litterisq. allatis, triumphatum Madriti est studijs & alacritate Populi, & gratulatione siue plausu gentium, quae ex vniuerso semper Orbe conueniunt Illuc, frequentantq. Aulam. Ac fuere sanè publici apparatus, & omnia illa quibus laetitia significatur, supra solitam omnem in re simili, non Regnorum modò aliorum, sed Imperij quoq. huius pompam, vltra solita ingenia, & effusas per ingeniorum commenta opes: sed multò effusius apud indigenas

triūphabatur interiore gaudio supra solitos istos humani animi motus . Cū victoria ipsa Regis, tum eiectione Gallorum laetabantur. Ac, si diuidi compararique ista inter se possent, praeualebat hoc, quòd fusi essent fugatique Galli . Haec tanta populi gaudia, Regem ipsum in publicum euocauere : ibique inter vulgi voluptates nox acta Maieitati est : qua nocte nulla diurna lux illustrior esse potuit.

tristis habebatur interioris gaudii supra solitis iustissimis
 ni animi motus. Cum victoria ipsa Regis, cum vic-
 ctione Gallorum laetabatur. Ac si diuini comparata-
 ridae ista inter se possent praenatalibus hoc, quod ius
 essent ingratum Galli. Haec tanta populi gaudia
 Regem ipsum in publicum euecturum: ipse inter
 vulgi volutates non acta Maiestati est: dua nocte
 nulla diuina lux illustrior esse potuit.